

五百四峯堂詩鈔

五百四峯堂詩鈔

卷十六

順德黎 簡簡民撰

丙午年

乙巳十二月臥病丙午正月望日扶起言

懷紀夢

已隔花村失好春更傷旅病味佳辰夢中艸閣垂
寒袖竹裏梅花忽故人似感芳菲歸別日未知來
去坐誰身東風曲慰羈孤客桃李辭鄉也自新

飛燕詞

燕子風中急渡河
柳枝翻覆變春波
柔條捉得難禁得
下見江鷗奈爾何

聽雨

晴久得雨聲
體涼神氣清
響淅聽欲碎
去急睡還驚
池夢春宜借
江雲夜恐輕
朝來仰簷瓦
碧篆蘚痕生

題寄封川彭明府翥

雲外牂牁懷好音
美人千里大江深
嶺梅西去花

爲縣嘉樹南來橘滿林
社日俗稱春酒壽醉鄉
壤接古藤陰賢侯頽臥
兒童笑笑煞風花壓繡襟

贈鄰人甘好學

書聲在隔花花落裊
繰車爲善同斯世
比鄰已一家
心危寧不達
詩好得無邪
勉共千秋事
吾生豈有涯

昨夢漫題

夢中花翳水村冥
波膩雲香醉不醒
自展心經藥烟閣
赤泥金管寫鴉青

予嘗爲亡婦以八分寫心經終時請列之

雨

青春天色紅塵裏但見海雲標屋山寒暖病軀難
整頓柳絲風力有無間

小立

未能白袷不勝裘二月天南似晚秋小立柳陰涼
耐得新雷蘊藉曉風柔

春暖懷升父歸贛

天竄詩人南海濱較量寒暖占佳辰梅黃麥熟三
江雨白袷紅棉五嶺春計月瘦寬家令帶看雲眠

落管寧巾八方異氣遙同病百藥何當作此身

隱几小寐

瓶花怨人如皺眉爐烟浥浥燥春肌客窓禪榻夢
胡蝶自見莊周新鬢絲

憶邨居花艸五絕句

人間春暖雨茫茫碧水綠蒲田甲秧農日虛拋眠
裏計村花不到夢中香

藥烟小閣無人到憶得春深坐似醺竹裏微陽花
上雨暖寒膠漆不能分

夜聽雙雛說我家方綃巾髻避桐花避過桐花避
梧子碧琉璃泡打拈茶

乞得鄰梅插古瓶開春十日浸清冷只今二月村
花滿忍對殘枝攢葉青

蘇家園中萬花谷實孕廣州花柵花有待構亭名
借景驅人心力媚吾家

憶郭山人登粵山夜望

天深地虛水月靜摩詰夜登華子岡萬里雲心八
溟外影垂千尺在寒塘

萬家塵夢攪空虛
閱世山人鶴不如
木棉打瓦響
竹屋阿母喚燈兒讀書

寄李恥大兼呈雲隱

春溪脉脉藻蘋香
竹屋熒熒燈火光
隨分祭先并
教子恥翁行跡只尋常

堂上江猿吟翠屏
苦瓜黃鶴合英靈
欲擘鼎湖成
鼎足病中愁絕道山青

鼎湖龍湫山地剝
迸石裂入厚坤鳴
自慚病甚手
口憊不能驚坐山風生

青崖集卷之四
四
羚羊天水俱一線
舡西頭天上船
烏瘡花病今

三月畫境詩情夢半年

予去年九月自端州還

禪榻茶烟書畫船
白虹貫月任人傳
自疑白髮三千丈
影在江湖秋水邊

謝客看詩如看畫
恥翁索畫按吾詩
兩君一夜春波夢
來見傷心老畫師

偶咏

自無畫齧枯其馬
只有春鳴孕卵雞
喔喔數聲喧病枕
衆雄如沸盡情啼

一雨數日喜甚同於農夫作詩示二三知己

一雨蒼生百萬家天南性命及桑麻懸知烟水江
邨裏花壓低簷雲壓花

不見今年村裏春花時看取賣花人一篙新水差
池燕晴壘香泥五色塵

雨中憶邱少尹鐵香南來二絕句

東望一雲天下雨南來中春雲上花官人馬尾直
於箭火急赤城餐絳霞

謂木棉花也

一川風雨病開顏
海上仙娥烟霧鬢
遲他邛令東
南美來看樵夫五百山

馮明經欽鄰斯佐自廣州來問樵夫秋官

坊

爾已兩番來我自一番
死去臘聞爾到實恐桑戶
死我魂送爾還風雪六十里
今來驚我瘦我已眼
似鬼語切輒欲哭身在則又喜我死
雲壑荒替人
屬於爾汲汲著書叟侃侃古太史
尊人潛齋先生森森四
喬松翩翩貴公子
諸郎潤如玉去官清似水爲儒

爾家學貧者士常耳倘非貧若斯何得交至此憶

我見叟時實自濠上始

馮彤文濠上精舍

謂我有血性庶

或識道理同味若艸木側身亦師弟爾載呼我兄
亦載恭敬止春風吹綠波碧艸芳未已茸茸帆上
雨鱗鱗潭下鮪空蒙水烟外微陽耀桃李川光遞
陰晴筆興溢素紙歸時不臨河來不能倒屣入門
拜堂上爲我問杖几我病眠不熟夢見或寡矣

雜憶絕句十首寄故鄉諸子

病軀身事得無妄詩役心聲猶有蓬心極碧天身

白紵景光駘蕩綠楊風

鶯花狼藉滿人閒作麼詩心自苦艱纔寫暄風又
涼雨勞人有事化工閒

東風新水縠紋香橘柚花多村氣涼昨夜雨晴剛
月午聳肩人影凍春霜

上下江鄉三十里都見村頭高木棉我欲醉來堆
繡被花深三尺尙濃眠

蜂蝶紛紛情性生摘花歸去趁人行收他玫瑰二
月蜜勝絕桃花寒食餚

吾鄉眠食有仙氣處處彩雲天漂香看取樵夫蘭
竟艱去年花屑漬衣裳

藥烟小閣試春望日隔緋桃開處光千家蘚瓦綠
於水一雨花風紅有香

木槿後園臨小溪宮黃疎瘦颭人低村居深巷無
桑樹時借顛枝叫午雞

花事年年不肯違自能不飲醉芳菲難禁病着無
人問証得天香未染衣

諸公被花惱不徹可似老杜獨顛狂扶得詩成酒

初渴五雲裘上浣宮湯

題梅花道人墨竹

梅翁寫生竹神力靜爲主深窓抱幽夢何物作風
雨起來寫秋聲秋聲在何許慘澹雲霧裡撼撼戰
可數譬其取筆法斜雨打粉堵氣滿鐵鉤鎖墨鑄
金剛杵鐵鉤瑣山谷注李王作鉤勒竹也近世王原祁論畫要筆端金剛杵月中寫
秋影恐畫犬作虎月中看竹寫秋影元遺山詩客居無片綠但
有蘚滿廡對茲懷江天歸來我籬塢

病解

憂生苦藥疲戰病能不食爲而無其功有似潭礎
石厭聞醫和理日日論生尅陰陽作腐儒安能特
開闢謂擯其陳言閉關醞靈液三日至九日物我
仍禁隔欲施儵忽計昔鑿今又塞妄動乃自焚習
靜未獲益又欲倚方藥終乞艸木力腸胃於蕩苓
狎友且舊識曠遲不蓄艾恐亦終不得奈何勉安
命命也至此極巫陽夢語我汝自治勿亟旣失苔
同岑又使橘異域籠中桓山鳥豈得澤羽翼我今
招汝魂歸汝衆香國五雲製衣裳百和膳朝夕鶯

花取不禁使汝濫聲色聲色與衣服爲汝媚血脉
寥天和其倪萬物歸厥宅所不去病者帝則陽也
謫

二月十三夜夢於邕州江上因友人歸舟
作書寄婦梁雪百端集於筆下才書家
貧出門使卿獨居八字以風浪大作觸
舟而醒嗚呼夢而不見不如其勿夢也
況予多病少眠夢亦不易得耶輒作詩
紀之得五絕句云爾

遠離夢想生前足死後與人猶遠離竹裏梅花歸

便得故人天外不能追

見前正月十五日紀夢詩

病苦眠稀夢亦難我魂勞甚死人閑如何不作入
門媚花逗笑聲來竹閒

夢而傷別盡安眠顛倒病中卿可憐便力作書長
匹紙不焚誰與到重泉

安得夢中與卿約我魂一往汝魂來來往人天作
圓夢九閨虎豹熟無猜

一度花時兩夢之一回無語一相思相思墳上種

香齋詩集卷之九
九
紅豆熟打墳知不知

春郊

水滿碧不動春郊新雨晴數行濃柳外一桁曉山
橫日薄滃花氣風恬軟鳥聲病才蠲六七虛白已
全生

今日

起居雨霖霖臥病春晴暄今日天海濶更茲花竹
繁詩於物情細病驗我生尊柔風漾光景藹藹不
能言

南海神廟觀龍取師子洋

木棉花如赤城赤花外元雲鐵爲壁中有崢嶸雪

山白內洋水立天柱直

黑雲下垂水兀上如冰山奇觀也

欲作波

濤無暇力九闌虎豹萬騎隨二儀虛空一聲塞義和漲馭日濡軌雨師無權水雹石

聖人御天神物馴安堵萬族噓吸勻天池不擾北冥翼龍勢直朝南海神已飫鴻濛翻覆重不大聲色陰陽分雲中猶垂尾百丈阿那欲上不得上有如天帝曳塵拂雨脚如絲出仙掌忽然竟入雲切

平一雨天下三日晴百川得之皆倍盈乃知江海
下以益龍屈神淵螭一尺二物相需乃謙德

寄題竹桐九句

春村昨夜夢雨足曉花亂飛鳴布穀幾朝添得墻
根竹骨重神寒數科玉梧桐濃陰花簇簇往時晚
食石上綠也長顛枝高過屋雨打巢鳥不能宿與
見新墳叫魂哭

予前作桐詩向晚清陰敷
晚食嬌雛襟下走黃雞

病可寄雲隱

愁濃夢魂黑病起天山青生機萬物作衡氣九淵

淳藥石無全力鶯花乞小靈君喜應還笑劉伶祇
暫醒

戲札我闔

門帖春聯
或夜去之

扶病帖門春勝書有人夜半竊而趨君知瘧侮還
相妬此是醫門逐癘符

答陳孝廉晟南

劍光

見贈用其韻

饑鴟嚇鷄雛不爭腐鼠來惡音豫章語大椿與子
不入荆氏林或言狂簡不識字卷我舌於非所欽
客居霖雨饑不死故人戶外聞歌吟詩心畫興鬱

生氣長康癡絕居易淫吾郡陳太邱異苔同一岑
長嗚呼風起病驥地上騏驎天骨森真聲振動衆
響歆中衡大叩鏗天琛羣兒道路豈解此不覺薄
俗無關心衣裳臥病久顛倒一爲起語歎彌襟白
象徹水龍入石不有大力誰能任文章門戶魔試
佛此自一尺彼直尋中流未濟何以陣如已泳淺
舟其深因君着鞭奮雞舞不爾捐葉枯蟬瘖深談
鄰樹影壓瓦木棉花外明辰參驅瘧稱詩有蘇軾
愈風艸檄惟陳琳摩天巨刃吾豈敢無乃支離能

挫鍼鳴呼文章徒載身後名如筏喻者隨浮沉

一雨數日田閒高下成水可種有作贈霍

鄰翁

大老天上還一雨滿天下海面見諸峯潑翠濃欲
瀉樵夫病喜已路聞說米價神明布大信猾豎不
得詐初見膏田裂赤日鑽土罅秧鍼若焚餘雪露
不一借乃今平疇涼風綠光似研勢如馳盲騎垂
崖勒飛駕云云清川波天影入昨夜今朝浴鳬鷺
雨眼明相射詩心接物遠氣靜語清暇與君指江

水坐閔舟過埧

南人以水澗沙隄能陷田監牀以固之曰埧

且免藜莧

厄不畏猿鶴化泥話得日夕慰愁美鄰舍濕香落春藤紅絲引杉架

四月八日夜夢與故妻別曰自今珍重與

卿此別又費幾年矣相視泣下久之作

三絕句紀懷

不及梅開逢艸閣

見前正月望日詩

勝如風起在邕州

見前

二月十三夜詩

夢中可有魂銷得已極生前未見愁

生時冰雪作衣裳不用沾濡浴佛湯明年今日能

來否浴佛年年作道場

壁間畱得長卿琴要積床頭賣賦金布取夢鄉歡
喜地天人功果免傷心

致師寄楞嚴圓覺數種經答以詩偈

方諸取水已密注琉璃罌風匝邊外吹月入中開
明我身寶琉璃公心圓滿月心與我身合不辨有
何說菩薩問居士居士病已久非公數函書一室
空諸有有是無之累無爲有之歸無佛有文字出
機還入機平生讀諸梵未得善知識妄以聰明參

如巖風作食機鋒可作佛我自有才思畢竟水火
風何處踏實地

烏蠻灘竹枝歌

有客問是灘者作三絕句擬諸竹枝以贈之

山飛地轉浮生死樹老風高嘯鬼神一簇浪花三

十里醉橫三百馬

人舟下灘必以共村人爲灘師每舟船舵二人必以祭

肉飲食之舟之大者恒飲至二三十人有飲至二三日者操舟則水中暗石分寸可指

蓬頭歷蔭醉渾脫蟹眼瞠瞠絮伏波石作肉林江
瀉酒醒人偏許浪花多

手挽腥餘脚踏煙回神江步別江船入門白媚山

妻笑今日囊中足酒錢

灘下江步曰回神步以生肉少許與之所謂回神言

回家祭於神也

四月晦日題

柳霧花風冷暖和水光如艸綠如波一川雨氣平
低野十里松陰凍覆河控地飽飛隨斥鷃倚天吟
興接牂牁傷心更索誰人會影落蒼茫古塔坡

佛山地

客居悶雨

憶我庭花入兩旬主人辭汝汝辭春藥烟閣外三

年雨祇有慈鳥記得親

青莎細荇魚三寸矮屋橫門水一尋濠上老翁詩

萬首最傳垂死夢中吟

馮彤文孝廉垂死夢中得此二句寄予也

一幅溪光照讀書微波皴動壁痕虛流花故滯青

蘋末爲戲狎人紅鯉魚

大夫峯頂月輪高水面村春靜不勞一雙白鳥動

烟海千里碧天明雪毛

羈旅人閒蝨處禪淵明乞食向誰門無錢卽買扁

舟去去指橫江獨樹邨

憶昨行寄升父

戲其逾期不來也

憶昨纜船黃峽口去弄神湖入靈壁衣露爲霜覆
古杉人語如鐘動巖石秋山日輪萬丈靜直射飛
泉散寒白山容殿瓦艸木葉盡拭晝光爲月色諸
天月午不見月但見秋水無聲浮大澤曇花施食
衆香界鶴背吹笙水精域別來客病作仙夢仙峯
肯入病魂魄爲愁一束秋芙蓉嫌我查牙瘦相逼
窓明雨歇烟瓦曉已是人閒五月天海赤傷離我
昔警秋瓜

子以去年九月十日別升父于羅隱涌口

有約君來及新麥

蹇誰畱之三婦艷歸吾不得八口食兩身千里同
時夢曉猿夜鶴曾相識艸堂英靈勿嘲笑道山日
月無今昔木棉花落柳踈地兩番不來荷的皪知
爾床前花滿湖蓮子同眠待成蒔五月六月花可
惜七月星宿碁子大入汝池中明似奕八月枯荷
聲撼撼九月鼎湖西風吹桂花王孫不來秋艸淒
以碧

柳花

不盡天涯不盡風水村西外夕陽東多生離恨諸

天上弱夢情人三月中魚嚼斷萍吹碧沫燕私連
袂覆香絨春窓兒女陽春怨曳雪牽雲送玉驄

石艸

方尺盆池如鏡明小雲根啣艸垂生西堂夢澀循
牆蚓意作青蛙到枕聲

題弼唐村外石泉

佛山百里內
惟此有水

莽莽視濶野淙淙隱鳴玉豐此數升水斗竄幾尺
谷物以希致貴逾時不盈掬擔夫日兩甌卽以果
其腹不易烹乳茶況得湔垢服山小一源弱地庶

萬有俗旁有野客過見此愴欲哭嗟汝本澄瑩多
擾則取濁吾家東樵下曾不以濯足

家君子作詩謝霍君贈羅浮古藤杖命簡

次韻重謝霍君年亦七十餘

負米虛糜七尺身扶持茲勝膝前人一莖霜蘚剝

奇骨二老風流傳

去聲

比鄰安步鶴行新雨淺舊山

猿滑古崖春吾鄉花落深三寸得得香黏屐齒塵

雨

雲急不及風北雲雨南灑其來不能聽一去電萬

瓦蕭蕭沙中樹偃臥如仆把奔濤揭江走何暇作
白馬太空塞氣象反覆誰掣勢若驅五岳面受
壓而下夫豈鼓橐籥萬物勞躍治陰陽方大噫雷
霆亦籍啞中疑九龍怒爭海戰于野天南石湖風
歲始一陰夏南方夏至後多暴風雨舟人患之名曰西北石湖石尤之轉音也
赤日堅透地滄海忽一瀉禾黍得沈瀾螟賊不滋
惹晴光轉濶大萬頃肥滌赭見慣農夫情羈滯憶
里社江上飛青蒼排闥入吾廈娟娟青蘿峰涼翠

浮筆寫

近有臆予書畫鬻於肆者作詩自嘲

虛名望人腹腹飽笑不止我笑天何心同時產樵
子樵乎彼何人天特厚我耳我之所好道下况同
溺矢彼有姓與名無翼飛萬里聊以名假我如畫
符治鬼鬼不畏我符已被我驅使昨聞彼樵者閉
戶病未起風雨陰壓旬寫帖去乞米朋友遠日疎
妻子饑欲死欲死且未死吾何惜乎此安得以我
手徧贈窮獨士盡令彼因我而使其似爾我則自
臥病亦所大歡喜東海百尾魚西海魚百尾相忘

江湖中誰能識真鯉

閏月七夕紀雨五十句

夏至無雷聲三伏田旱裂粗學課農經此語不失
實初伏至末伏日日露天骨深青熨悍赤一日緊
一日不見衆物動但恐大河沸昨夜江上歸仰看
山上月陽光假餘怒凌厲太陰暘團團作紫暈茫
紫刺眼濶薄風過海面波氣潑暗熱揚葵風交衢
流汗魚呬沫遙知百萬家魂魄臥不結安能有南
夢遠得見北雪今夕東南雲窈黑嶢積鐵洶如枯

棹水併力上搢搢遙聞屋鳴瓦百里勢一捩初疑
風打雹着肉卽見血逾時不見雨但聽雨點密始
悟鬱塞久未飫漑瓦渴稍稍簷瀑長上聲浩浩天河
決琅琅疾還重脉脉細纔歇悠悠中病舒潛潛外
炎滅茫茫天意私欣欣物情悅物情喜易悲天惠
予勿奪十旬杞人憂今夕忽一洩安時臯尚在身
外我何說

旣雨感咏江上柳樹

日暇風清欲晚時極天剩雨片雲遲江山無物勝

秋態畧與垂楊最弱枝

病婦當時藥烟閣弱魂軒輕夢如煙東風盎盎春
愁濕坐見風中雨後綿

秋夜感咏

柳梢天合大河流風露初涼澗處浮淡歛人閒諸
所有飽圓江上一輪秋夢隨細雨通雞塞氣鬱寒
潮隘虎頭近况昔遊生憶死三江聲裏萬山樓

新涼

客裏爲家更出門花時春夢又秋邨竹梧舊淚啼

烏鳥君子哀吟化鶴猿題寄可通燒後字歸來應
識死前魂亡婦病篤時自言瞪目或見其魂似其影新涼風雨無時候
在日裁衣帖肉溫

秋風乍涼得兄邕州書書五十六字寄呈
解舸灘盛怒流奔陡束黃江鐵峽門氣相吞吐山
川鬬聲滿西南天地喧一紙音書人共命中年兄
弟病勞魂鄧林日色蒼蒼晚急收桑榆報曉暉

甥子往邕州脩亡妹之墳予以不得躬畚
一坏爲恨因感秋風哀彼短命乃不知

其爲詩也

十四年前生拆羣生離僅以死相聞猿啼落日烏
蠻國鬼餒殊方青艸墳海上雨長應是淚天邊地
久自多雲妹遭短折兄貧病祇坐根塵不離文

遠矚

海色入蕭森驚潭白日深峰尖懸玉筍花影漾楓
林秋士能辭賦東流問古今近遊增遠矚黃落攪
蓬心

返照

返照人閒赤天西落絳河瓦聲驅積葉樓影動昏
波風力霜前入秋心病後多辭鄉再寒暑歸夢悶
烟蘿

客樓讀書

抱病散古愁愛茲江上樓入懷淡風景今日讀莊
周天海浩一氣虛空何處秋蒼蒼無至極吾自作
虛舟

自題楚山清曉畫圖

繞衡九折江天碧水底皴空皴沈璧三湘恍拂遠

遊歸千里蒼涼一鶴飛歸來十載病裝足梅花襍
被江上宿江村一夜聽春雨洗出萋迷夢中綠日
色盎盎川無風川光浸竹竹色同誰將一道炊烟
白定繞兩株初葉紅何人深柳樓閣中下視水田
雲水空得非百花村口舊風景誤置曉猿夜狖之
青峰猿聲窸窣隱屋壁傷心極目誰曾識年深事
遠猶可憶藥烟閣上春燈夕故人食藥看山色至
今黯淡春樹梢藥氣三年化爲墨

甲辰畫成丙午
題詩末故云爾

與邱少尹

使君心瘁入南行行見秋田幾處榮勿歎故交猶
乞食重需陳米發常平尋常離別詩中了大半人
民雨後生正喜尙書冰鑑遠道州循吏得陽城

秋眺

暮色萬物淺海山秋遂深蛟寒依石窟樓迴出村
林歎逝驚生意蠲情費道心西風汝須惜疎鬢詎
能任

送友遊泗城

萬里長江破萬山到收帆處逼銀灣從知邊瘴黃

茅甚莫判西風白髮還

獨坐

萬物供獨坐寸心遊太初身名幾嚙矢行止一蘧
廬雲曉看山入江深得月虛蘆燈水村夜涼霧有
嘉魚

江城秋感

江城多夕照水國易秋風夢淚死前別病吟窮後
工巨魚潮暝雨萬馬葉行空燈燄將人影愁時到
鏡中

自怪四絕句

自怪先生太瘦生秋來偏喜耗心情
風前解按伊涼曲字字江頭黃葉聲

自怪經年作底忙空拋心事憶松篁
先生誤作還鄉夢却是還家非故鄉

時猶寄家
佛山鎮

自怪先生浪得名千言筆下稱人情
山妻死日求碑誌屬草三年尚未成

自怪能詩更畫師小來人羨寧馨兒
空教力刮陰陽窟僅爲先生一救飢

九日獨坐懷升父

年年九日何年盛憶五年前登北城

壬寅與胡良齋兄弟張顏

謝黃郭呂諸君登城北今良齋亡兩年矣

故鬼秋風憶存者良時萍梗

入浮生吟邊木葉深蟲語枕外江天濶鴈聲病數
去年知汝健鼎湖殘月桂枝橫

秋夜感咏

菊花籬外白雲高黃雀風前病葉號時物變衰增
夢緒死生悲喜屬兒曹故關作客貧如遠凶歲爲
儒拙倍勞卽事千秋足知己晝痴書癖最詩豪

亡婦生日

死人忘死日况復記生年
命短續來世心長同此
天招魂香樹下成佛藥
砧前今夕還家夢靈牀
餘篆烟

五百四峯堂詩鈔

卷十六終

五百四峯堂詩鈔

卷十七

順德黎簡簡民撰

丁未年

客居春懷

風日暢暄晴春人自有情
花驕競才思烏黠故聰
明軟浪新苗漾融酥昨雨平
望鄉無百里雲樹濕
江城

春夜諸君過客居情話

兩度春風且異鄉鶯花饑饉共年光夢多死別聊
堅坐酒斷生平故自在幾點柳芽烟瑟縮萬家茅
脊月蒼涼與君莫謾矜儒術誰爲尙書策救荒

丁未上元夜雜詩

去年歸夢病懜懜竹裏梅花見佛燈無病今年無
夢了萬家啼月一枯僧

閉門烟炬籠圓紗萬室寧無三兩家減似沉沉雲
覆野鬼燈螢擾照松花

米老無心好此奇透黃拳石似松脂無方煮作維

摩飯一盃能蘇百萬飢

寄張廉父伍楚園

尙村

我昨二日睡不醒夢醉風花入鄉井村口春波可
放艇臨水春山壓人影赤鯉嚼花穿翠荇白鷗點
水皴光景隍中覆鹿真足樂客裏啼鶯忽相警忍
拋身畔春如許乍使人閒夜逾永荒年羈旅吾造
次香國苑園誰管領二子能詩擅長句幾人汲古
得脩綆剗心勿負東皇意同眠可夢西堂靜我今
是事一俱屏筆硯真同肘邊癭雕蟲久矣悔揚雄

捫蝨惟應似王猛不意皇天惜固窮特割青山入
鄰境卽有盤胸嶂千仞得似負郭田二頃偶然動
興君倘來未能免俗吾一逞與子遊仙乘渺莽積
水浮空同舴艋聞風萬里氣清冷蓬萊三峰削纖
冷

復題亡婦禪病圖

清淨蓮花煩惱泥廿年齋禁太常妻生爲幻女無
身相夢入禪天接笑啼水火風災離衆病去來今
佛訊菩提寒光桂窟私靈藥題寄人閒下月梯

春詞

濃破春愁醒柳芽淺停寒意稱梨花光雲暖送衝
簾燕宿雨涼囀到枕蛙

海天歸夢浮新漲鶯燕懷人鎖故園不分春光作
無那客花偏肯照空尊

斷雲無雨不蘊藉解逐風花軒輊飛釀得夜來沙
撒瓦又勻苗葉冰寒威

微雨

三日江雲抱暖雷茫茫水氣覆村來少增膩粉勻

脩竹深借春陰
渌苔簾外薄光
渾曉暮柳梢平
望失樓臺暗桃
明李何人辨南
浦煙帆遲我回

絕句二首

春天多夢與情
人夢止傷心記
不真直似村花
盡雲水沉沉桃
李不成春

娟娟江上露煙
鬟鬢黹春愁怨
女顏最憶大烏
深作態竹梢煙
烘一痕彎

金花廟仿李長吉

金花神相傳南漢時女
巫溺死於宮池今人祀

以求子
甚驗云

驚潭烟平月如夢雲車軋波玉顏凍貝宮宴罷夜
來歸神鴉啣火照空幃綠波映髻迎桃葉桃葉渡
江不用櫂靈衣生煖烘香絲夫人有心誰得知紅
巾裴識得好語春風醉人難自持妾家南隔碧城
中花深夢安曲屏風人閒茫茫夜氣濃踏雲行雨
遙相通曉來江白天一幅廟門柳樹含情綠

春泛詞

不要蘭橈不要帆直停一葉帖春潭爲憐淨綠春
山影點破江天白袷衫

見柳猶思古朗寧

卽今南寧府唐之邕州

江邊風絮攪離亭

天西昨夜崑崙雨綠得舸舫幾點萍

疊疊江光出樹梢南溟天地小堂坳虛舟仙去容

回首十郡如煙一芥膠

春江寄雲隱兼示石帆

民生猶困物皆昌不暇懷人坐歲荒好友服儒能
乞食故交繁邑忘齋糧危檣處處棲雷語遠樹深
深倒水光天許春工縱花鳥世容吾輩飯文章

喜雨二首

三日東風劇今朝大雨來纏綿飢漑死蘊藉盪恬
雷生物兼人命抒心試酒杯異鄉成自醉回首憶
花開

拂拂復冥冥春江切岸平寸心集悲喜三載客清
明樹氣留晨凍山光抹午晴新苗欣綠意涼漂碧
雲輕

江郊與陳晟南

晴旭陰雲轉大荒浮天艸色互青黃雨光浥浥山
光靜花細沾沾水細香詩句隨時成掌故飢寒行

處卽殊方薄遊得汝真吾幸客困窮經識季長

三日

三日微疴擁被眠不知底是夢中天今朝暖日晴
雲下一樹燒天紅木棉

木棉花

家君子命
作禁體詩

滄洲開木棉開處掩春天粗野何論態縱橫不受
憐極南宜正色壯觀殿諸妍碧嶂來仙客朱衣薄
裴綿

雨

屈強沙樹偃喧囂江雨橫墻虛萬矢入天劃一雷
驚號令神行速東南物氣生江鷗望雲浴故故照
人明

獨夜檢故李少尹南澗與前新寧周明府

南川手札十八韻

天地入南海二儀俱蔚藍波明青雀舫秋在白鷺
潭往歲同仙吏中春張去聲錦帆低昂展雲水深凍
艤松杉蹴浪雙衝燕含花語墮衫交情內淡永句
味外酸鹹後奔吾三北先聲此二南義須糠粃剩

氣並谷坡涵黜陟殊前軌

李以潮陽宰升桂林分府

侵尋上別

驂死生三處淚

李卒桂林有書與故人訣周時已在燕

平昔幾書函

北海歸芳骨

李

西州祝故銜

周

齊名謫邊讓

謂

懷

舊異羊曇已逝虛存夢重來細接談周公詩頌雨

周屈落職猶求雨雨立沾足邑士夫爲周公雨詩甚多

楚岳眼明嵐搔首中

原夕霽愁海氣酣青光竹屋火淺絳鯉魚緘身世

迂儒拙凶荒措大貧復誰分客米

周君去官後番禺張令月致米

猶分及予明日荷長櫓

見燕子感咏

邨煙尙寥寂燕子自顛狂謂汝無家樂衝人作壘
忙羽毛沾土濕言語襲花香諒我機心盡歸來舊
客堂

舊入閨中慣春心小最靈翼揜簾外雨花唾佛前
經拋汝巢窺戶無人草占庭喃喃應是淚機素四
年停

予前有燕子
入閨中詩

寄鄉里諸子十六韻

天地春同興不同邨人花盛當年豐遽廬夢滯三
年雨蝴蝶香醺十里風齷齪石家錦步障神仙杭

市白頭翁數錢細雜沈檀屑蘊火先私造化功阿

閔鼻叅諸佛坐蓬萊樹色五雲籠今誰迴句稱詩

虎自笑傭書似墨蟲雨散海西吟社歇

吾鄉故有海西詩社

歲荒橋外酒泉空

吾村口橋外之水釀如鑑湖橋外則不云

成都病未

歸司馬吳下人多昧阿蒙別構艸堂勞杜甫遠拋

秋室憶揚雄南湖夢寐懷憐子昌谷心肝嘔惱公

肅肅幙寒燈火綠斑斑琴淚漆砂紅徐生靈藥三

山上惠子虛舟大瓠中服食虛傳上池術無何愁

阻至人宮傷春傷別神明哭感逝憂生道力窮諸

子見書憐獨客萬花低岸釣孤蓬鯉魚尺半三篙
水買醉江天送去鴻

贈二霍

負屋出行吾蚌蛤引入投契汝鍼磁始明損益粗
談易兩得申轅老解詩道有雌雄惟自守事須暮
夜許君知相邀勿苦東坡飯悶索三毛杖感頤

看山咏懷

江天碾空光新漲綠已潺

奴救切

諸山落餘青碧重

水不受蕩漾村瓦閒虛無潑深秀又散爲霏煙冉

冉霧襟袖造物瑩百昌簌簌新錦繡獨殘澀吟客
病色日趨舊清時值饑歲自衛勞已瘦倘因蒼生
起先着何處救可得飽餐飯掩面受諄詬身窮詡
濶志理屈抱私宥塞心則自秉通籍詎能謬虛名
枉君子南夢見側陋亦知惜轅駒跼蹐爲下走十
口懸嗷嗷一士行貿貿畸性違員方痼疾匪鍼灸
菑畲我石畝未似一頃豆敝廬與雲山去里尙可
儻餘錢買苓朮足起子與僂堂壁忽萬丈寧落堆
衆皴

開鏡

掩書開鏡入中年
白日黃河急鬢邊
哀樂以來常夢鬼
死生無着轉疑仙
忍饑回首思香國
不飲何心望酒泉
早晚鰈魚學張翰
綠簑風起鰓江天

生涯

天供煙景地供花
筆有溪山生有涯
隨事詩篇作年譜
不知言語屬公家
笑看蠻觸爭蝸角
愁裊羲和走日車
獨立滔滔問江水
爲誰東去積塵沙

南村老將

南邨老將西津吏

駐防西關汛已近廿年矣

柳似寒雲署似冰

夢斷塞垣談石虎箭飛江月答風鷹先人兵法傳

心拂

尊人晚年去官置藤杖樓拂行以自隨

愛我詩思苦行僧事業

祇須交令弟龍門聲望虎門增

令弟少白爲龍門遊擊府升虎門副

官總兵

牂牁

天上牂牁屬要津穀絲唇齒互相因猶聞重譯輸
華夏何至堅關閉晉秦白虎壇臺勞大吏青燐風
雨待耆民雲頭幾夜巉巖黑可洗西南赤地塵

河橋

日烘雲巒金碧皴河橋尋畫畫中身天沙一切開
南極海樹千行入遠春范冉拂衣成獨行揚雄知
已待何人病軀倘見東封禪視艸猶工細作真

客舍

示疾毘耶乞鉢空衆香飢歲術須窮多文世有嘲
揚子三絕吾方笑鄭公地藁薜雲隨意雨衣香花
露過情風梅三近日嫌歐九故故稱詩乃爾工

霍徵君相過夜話

仲蔚先生飢下床不曾閉戶艸頻荒人前謾爾期
期吃夢裏兼君栩栩狂慧有青瞳因法淨病無纖
影愧燈光讀書不覺成畸行世說新鐫字幾行

夜話後曉致霍君紀夢

君去街西月已斜夢隨潮落我還家江天黯黯驚
心雨艸閣垂垂濺淚花宿昔有根爲蛺蝶公私無
爲任蝦蟆但須了事還相過說鬼多方有一車

四月二日

舊年蒿目到今年滿地心甦四月天緩死須臾五

十日早收三倍下中田唐虞飲食生民性嶺海東

南雨露偏一自永寧開府後沙菱無復白波船

事本

李恭毅公

小損也知當大益後人端可鑒前車古云筮短從
長吉王政耕三有一餘治產我還師我法無田吾
亦讀吾書淵明乞食收衣鉢硯畝兼能作酒儲

憶雙峯草堂

天末何人識此亭亭中有客昔髫齡四山叫嘯風
吹雨寸火寒光夜讀經艸軟野麋衝矮柴藤陰哀

狄裂虛屏雲泉回首塵襟黑廿載黃岡竹尙青

憶萬山樓寄兄

生長天西憶舊游崑崙之水萬山樓樓堆殘卷貽

諸子

樓吾兄今居之諸姪讀書其上猶有災餘之書

山斷三江讓合流

上接

三江口

膝下小年如信宿河邊孤塚已松楸

子少時與

合流

歲荒書遠無多語親不攢眉但白頭

書於此

客寓

秋官久住煙樓黑夏日初長海岳青不勝迂疎拋
制義近遭荒歉省農經詩宣已志看時物酒爲親

年勸歲星獨行已成宜睡了道山壺嶠夢東溟

削跡

生如草木真爲死士有詩書亦可貧削跡返心求
故我賣文隨力飯饑人流行適有皇天祲安靜元
知

聖主仁昨見老農途路說今年風雨正停勻

寄題藥烟閣

人遠苔青藥煙閣幾年藥鼎冷無煙竹暗漸深殘
月徑鳥啼將曙落花天千號南無身許佛再來東

望海爲田若識當年衆生苦爲吾乞飯衆香筵

江水

江水滔滔送客愁愁時不肯急東流飽聞南盡虛
懸磬本有西來號汎舟堯舜治教同菽粟解舸期
不費春秋腐儒祇有憂家計肉食真能善遠謀

在野

在野吾甘作繫匏百城南面以書豪多吟詩律相
因細少事門風轉自高受命不疑杼櫛頌必傳無
意解元嘲故園尙缺三楹屋早晚磨鎌歸剪茅

野步

病身蒙首三春費詩藁
催人一倍加已見木棉飛
落絮忽迷江路徙浮沙
山濃樹色團爲霧雨薄雲
光頃變霞客思蒼茫煞
風景不憂霍旱羨漁家

曉成

初日東鄰送花影離離
斷雲蒼蘚深殘燈耿心苦
志士晴天悅性言來禽朝
涼媚病去稍稍景光曝
背行驤驤幽竹藤花藥煙
閣風其吹汝雨淫淫

矮屋

心事無機物自親客簷低矮鳥逾馴宜多聽雨防
書卷無計驅炎鬱病身徑入優容排闥薜苦吟却
走促租人他年地志編流寓願受秋官比戶民

雷岡渡頭

清川連野色平望不曾分隔水招春渡空亭凍石
雲有石如雲雜以叢木名石雲山西流開大地南極放斜曛漁唱
時還起田歌悄未聞

白雨

南雨入夏急殺蟲蒸旱田片雲陰走野千里白黏

烟驟響鏘枯瓦青空起病眠
海涼風翼翼一鳥定
中天

中夜

中夜憂而起中庭行且留月孤千丈凍星帖一螢
秋海白兼天轉沙青括郡浮鯉魚長尺半吾亦飯
歸牛

烏鳥

明月家家足慈烏戢戢飢夜長失侶叫天濶挾雛
飛於世文章炯憐君彈弋稀故巢頭白在一啄一

蟲歸

行吟

螢光知竹處露白見蘆林越國雲汀濶漁家鐙火
深江虛懸穩月山寂上驚禽物性無全靜吾思亦
有吟

寄石帆

閒濶逢飢渴心驚問死生交深時有淚貧極莫言
情不易尊前舞何難身後名別來皆尙在賤客慰
離聲

夜雀

夜雀豈愁思徹明啼不休誰家閉明月與爾照高樓
枝弱風多警池深影自秋逾時惟臥病昔昔到
床頭

祈雨

十月兩祈雨

去年七月至今四月

三城先被荒天應厭災眚

人亦足糶糠意切風雷黑塵高日月黃腐儒惟涕
淚翹首畏蒼蒼

四月廿日又題

病眠煩望雨扶起仰中庭日炙紅如割雲枯黑故
停僞真祈有效雷電聽惟靈可有聞聞淚憑誰乞
去聲畢星

西流

南服雖無雨西流亦慰人河東與河內移粟且移
民筋骨時風力提封國齒唇臨軒漢武帝前席盛
賢臣

遷次

遷次窮愁客形容山澤臞遺榮嫌漫耳避謗僅完

膚廣術慚驚馬私心逐義烏番禹城下水吾道足
江湖

四月廿六日

四月廿六暗午晴萬家巨雨懸河傾稍杜同心翔

米價更欣今日免雷聲高田低田穀應實是日雨而不雷

俗云雷則不實小暑大暑苗復生五月早熟之後有此二節續收腐儒豈

爲飲河腹親老年豐不厭精

衆鳥

衆鳥飢鳴中夜翔昆蟲深避葉漸黃爾寧羽類無

安族民亦勞生可小康昨日黑雲驅白雨平田水
脉照江鄉千時有得低飛啄果腹猶餘足聚糧

聞大總戎謝少白督部曲水師駐潮俟調

作詩送之廿六韻

波激鯤鵬背樓船出水鄉南交元義守今日用忠
良旣喜田疇實隨驅虎豹驤民登耆終命虜漫疾
疆梁友愛無人間甘辛與士嘗孝子爲政久誠動
以身倡

藻鹽中天正煙燭一葦杭發微沿海郡

神武自吾

皇諸路需期會元戎已啓行

廟籌無再戰水道有分防戊午蠲辰吉旌旗沸海
涼熊渠臂殷繡鯨窟血元黃紫氣東溟曙丹心子
日光

仁風來直北慈雨溢潮陽

仁者元無敵慈能勝不祥一言名將訣三寶至人

方聞載陳驚坐非誇我子房

初開聘陳
湘舟幕下

但須明尺

寸不礙好文章朝食談容易師行問瞽狂家渾南

瞻部樊處燒去聲當羗刻日期旋凱先時慶大穰令
兄行折屐好友下懸床百載休征伐斯須復外荒
不難三組綬還咏萬倉箱下邑瞻依切迂儒頌禱
長私心在安飽何樂說封狼

羈棲

空清白雨日將西萬个鳴蟬翕翕齊海濶水雲平
瀆潏天遙沙樹疊低迷山川此後供安步龜策何
知勸突梯學淺病多容抵塞年荒親老限羈棲

白石蓮花傲義山寄鼎湖退院致公

白石蓮花古佛燈水明蓮瓣紫稜層竹風花影移
昏眼軟語斜行慰病僧饑餓生涯尋破寺山川殘
夢入枯藤三年憶話禪扉月齒冷龍湫百丈氷

曉起觸目

宿雨雲行澀涼風鳥語圓呼羣過瓦疾收熟占人
先物命同天地吾生愧歲年南山一頃豆從此賦
耕田

祭魂

連朝早瞻天風景去蕭瑟今辰是何辰夏五望日

古自喜入生氣行亦念故物屈指已增歲回首但
縮舌暮爲一盂飯新粟軟始脫肅肅天無雲脉脉
影墮月享諸道餓魂格我心內血與君同爲人共
處造化窟乙秋至丁夏南溟涸騰沸東西屑齒國
津梁乃關閉人心固自計守望情已絕遂使失水
魚相响以涎沫我亦泥腮鬚膠首爲強倔非無救
荒政奈此民命濶於中我不死不能使爾活有愧
爲儒生七尺行兀兀且爲學維摩去禮阿閼佛君
憐此枯羹亦自辛苦乞不知幾千萬聊飫茲一盞

但期我心安不見汝腹實當諒此貧士久已厭糠
粃爲爾作佛事歡喜盡食畢勿如守錢虜事後笑
我拙彼於爾饑死不放升斗出君其鑒吾誠我且
爲爾說三年遭凶荒政教靜壹一生雖受囚餒
死亦有宅穴皇天所流行災禍豈明罰

皇心之仁慈浩蕩及枯骨以茲可自慰生死誰得
越從今大有年生生日稠密我爲飽侏儒籌車且
盈室死者歸冥莫祥風散幽鬱生其如律令儉
德禳旱魃

我家

竊然九江底俱是西樵青舟行惜山色不覺權自
停抽帆信微風碎浪玻璃聲轉折傷沙嘴諸村來
送行我家面靈嶽仄掩落日明西風皺江天飛翠
入柴荆三年客飢僅夢餒形神清昨夜邨口月千
頃海雪平鱗魚長尺半媚我老瓦餅夢中吾自歌
世外無人聽

清狂

朝暮海光濶東南日晷長中原動晼晚平地氣倉

涼舴艋隨龍戶芙蓉漫水鄉江天媚暄暖衣食足
清狂

同楊明府擬作登端州東門浮屠詩

南出福字堂東赴豐樂隄馬首立突兀陰到龜峯
西初若入地窟將次盤天梯仰高眼酸黑忍凍雨
霧迷蝸螺漸逼窄頂踵相攀躋浩然諸天寬始見
千峯低舴艋柯五千里蠕蠕懸白霓蒼梧一點煙崑
崙但九泥西風中原外秋色來萋萋寒峽束百粵
其下巢蛟鮪何年倚天劍一劃分溝蹊遂令萬古

流忿怒爭排擠大地莽牢落半空
醵笑啼迢遙後
人心境在感亦齊

寄雲隱

西潦漲水郡天赤泥浩浩衆山膠
洪流黛色照慘
燥水田動簪笠帖若泛鷗鳥不見人
在水安識人
割稻波撈收濕穀天惠與晴昊倘復
霖陰雨無亦
甚旱槁乃知天災後曲意爲之保與
君爲儒生無
田坐憂搗各在南北處自作儵忽巧
恐盡七日力
未足一日飽
商情抗古人
低眉謝田老
別來一心

跡塵內兩顛倒詩苦如病呻形役本吾道稍稍飢
去腹颯颯風落爪文章與年進哀樂隨境了

送人客邕州

嶺南五月後遞穫至小雪君去五月潦風舟坐高
濶峽江紅渾渾山峻青潑潑峯巒濃欲笑似助人
喜悅回首知廣州田肥膠泥沫昔去憂老母白首
朝夕闕今則慰倚門屈指熟可割行見西陲人須
復以義說唇齒有扶助轉糴無閉遏使知堯舜民
本自同日月地上月漸大夜靜灘應沒遙知火烟

角寸黝出古鐵茲已邕管近稍亦畏途脫煩過萬
山樓樓幾廿年別爲吾謝諸山山我夢未歇

晴眺

風日遞變現陰晴相往還雨鯉魚嘯海雲怪獸積
山早熟憂時緩回頭得命艱天邊多水氣涼眺展
邴顏

鼓腹詩

米價一年上陡於半月落垂首九死人相視一錯
愕不敢開口笑廻想失聲哭語爾勿復哭命在苦

亦足饑後難爲飽腹薄且啖粥強起扶杖看南潦
知西熟報道米船至一日三百六又見早稻田一
穗兩歧穀

皇心挾天慈日月氣清淑永爲太平民相誠以儉
蓄考終爾壽命贖返爾骨肉小儒能作歌聽者同
受福

寄周編修

書倉

狂簡疎狂也自容自矜柔翰勁於風一時脫帽傳
張旭直似橫刀揖董公甘製短衣看射虎誤操長

技事雕蟲不知骨相南天外到得瀛洲北夢中

西潦漲甚卽消喜其大助田壤晚豐可知

西潦源高雲脚黃人烟萬里曉蒼涼

盛暑潦漲四五更時淒然

似秋泊田吠蛤多浮月踏水寒禽獨警霜迷路漁船

依港樹膠杯村舍坐坳堂昆明春暮天西雨遠糞

天南晚作秧

作音佐廣州音轉爲造日早作晚作

咏鶴

萬戶笑啼無限夢千年城郭一長鳴秋橫大澤烟
霜濶月碇寒潮天地清滄海塵中君昨日臨臯亭

下我前生也傷落羽今三載露葦雲沙空復情

石帆仙城來佛山肯畱二日送之詩

經年憂患茫無語兩日盤飧不諱貧身續夢魂來
道故命堅磐石得嘗新鼓聲坎坎師杭葦旗尾蕭
蕭風偃蘋小艇獨衝官舸去萬艤緜裊岸儒巾

時以

閩臺之警

廿餘歲予於粵西武緣道中題驛垣詩有
句云古戍啄獨鳥終途無一人昨有從
西還述和詩者不知名氏前後剝落惟

首句見小吏字其下有短句誰先路千
峯我後九字後字下意是人字韻云詩
甚起予或者彼土守令過此而作因復

題二首

斜雨帶斜曛亂山疑亂雲墨殘留
有淚詩遠獨空羣前後經蠻驛躊躇
想使君廿年天末路誰更感遺文

存亡非意料倡和已心通山鬼煩呵
護徭天多雨風夢魂同落月吟咏付
寒蟲君識題詩後西來少

歲豐

佛山入秋熱甚

杉艇臥軒輕蘋汀風播掀夢回身異縣心到雨翻
盆人氣朦殘月江光炯別村書齋舊桐樹露葉試
秋痕

早起書懷

七月尙餘三伏熱五更真覺幾分秋月斜樹隙橫
如射潮滿鐘聲濶似浮來往誰知隱君子精嚴心
接古詩流曹墻屈壘書名姓更晉花村故小侯

過渡書事

佛山江水如渠溝行船壅塞成急流我來三年始
一過赤日灼波橫渡頭中流回首萬瓦頂塵氣炎
炎動光景誰將一撮柳梢青意到行人眼中冷漁
醫赤鯉尾血頰呀口向人憐物情豈知金紫不自
閔穿荇嚼花增眼明傾囊買此急放去放魚不料
得魚處轉慚愛物徑一心安得仁民盡千慮傳聞
平糶開四廠踐踏飢人死中路賢明爲政應不爾
隸胥得事元善怒生萬死一功已多魚放旋烹不

予惡渡頭葉飛風雨斜屋上烏鳥聲呀呀渡人亦
各歸其家我獨濕衣望江口江雲覆我村中花

七月十二日雨

農家課雨忌處暑昨日處暑今日雨乃知天惠起
飢人百種生機如自取靈風習習雨洋洋片雲千
里覆江鄉屋底秋生古壁窄人閒氣散金天涼三
年以來兩年長乙巳秋至今秋無有一雨不瓊漿瀟然雨
歇潑潑濶野碧黏天搖夕陽

聞呂石帆客香山寄之

荒歲文章肯庇身不辭閑館稱閑賓
神龍衆怪眼如鬼仙鶴獨慙飢
向人三載羈棲聽雨夜一川花
月夢江春與君事事能肩埒
客况詩名病與貧

初秋寄兄

仰面長星接地高金天塞葉最先號
南歸家信秋

將遠

牂牁江以五六月水盛舟行三倍之速秋水漸收則漸凝滯

西去灘聲夢

亦勞黑水欲消隨急雨

潦將落或有白雨甚急名送水雨

赤雲低

熱落偏桃

偏桃狀如密望而小近邕州者稍可食太平泗城等處出者隨其自落

柴

門龍眼垂垂熟故國年荒小足豪

又黑水非禹貢之水交趾十萬

山有水正黑涉之足亦
黑不可食流出牂牁

汪湖壩廣州來佛山相過夜話

十載相知三送別自君之出又三年兩人今夕前
途夢一角黃茅黑雨天藥裹蠹塵多鬼瘡詩材靈
怪雜神絃歲飢未負文章腹山澤形容合上仙
漫作憶堂前竹三絕句

綠玉抽空疾於畫刺泥幾日已捎雲一村風雨秋
聲細祇與鄰家織婦聞

鄰家寡婦深懷舊藥竈花簷問病過今宵攪夢過

墻竹風雨笑啼年漸多

不要長條掛月明

始種竹時有海月掛在長條明之句

三年春筍占

庭生夏蟲習苦休須盡賸取秋風幾片聲

題奚徵君墨梅爲邱少尹並寄懷奚君

岡

梅花消息天地靜夜氣空寒逼清醒花光月白地
如雪亦恐同行踏人影村中花事幾年濶天涯盡
筆何人騁飽聽奚生致通素也似梅花絕孤穎秋
雲稜厲日爭力閣雨堅凝土交迸淒然宦我鐵橋
上皎月正壓飛瀑頂想當邃古無人處有此幽光

貫骨冷似恐仙人太寒瘦轉憐春女媚桃杏雙漿
綠波橫水渡一抹朱霞暮山景終嫌多麗工世情
不如獨行抱深省題詩寄遠慰海角邱君同懷人知南澳
驟雨響天井是時秋氣動澤國涼風西湖皺千頃
樵夫未歸花裏屋先役吟魂度梅嶺奚生應感露
下衫獨權湖陰返荷艇作詩時七月廿四日熱甚二更大雨蕭蕭秋風已滿
衣袂故並及之

竹詩

樵夫初栽竹三竿逾月誇示張花田明年已迸堦

下石夕日不到堂東垣美人倚病軀翠袖人影竹
影瘦可憐指痕遍捻落籜粉藥氣重濕啼枝煙幾
年別日均有夢夢在雨黑燈青閒萬花園村竹覆
屋竹隙佛火天女禪齋心着我故有病怨緒托物
難爲言秋風蕭蕭零露漙慈烏夜啼桐樹顛落月
珮聲歸弱魂僂指去汝今四年占地爛漫千龍孫
鄰人入來窺鎖門不慳挾筍與汝飽菜色可更克
清寒我今曷不歸故園故園故物猶平安石鼎夜
呼蚯蚓竅檀像淨供琉璃泉涼風吹衣日車短落

葉過牆鄰女歎勿云故鬼
舊跡新淚暗冰青琅玕

石詩

憶我溪上石黃色如松脂昨夜夢入門出坐我釣磯釣竹已加長我石猶昔時昔時伯鸞婦爲郎親搗衣仰看孤飛雲祇與風亂吹俯識雙鯉魚似知人有思至今膝踝處可容水一卮今日石下泉昔照驚鴻飛飛鴻去不返我石終不移竹竿何孃孃魚遊亦依依安得人有心盡以磐石爲

昨夢

昔時走天邊有夢未閒濶臨終一握手生死乃隔
絕魂夢同此身天海共明月歸路無遠近心氣殊
冷熱死人謝生人精爽不兩結不如生別離夢境
轉親切茫然昨夜夢脉脉無可說

八月一日題

客懷物候逼秋分遠見秋清臥亦聞淅淅露痕先
病葉蕭蕭風色與狂雲長槍綠迸江田米歸旆涼
飄海舶軍何止腐儒溫飽意平淮端欲擬韓文

望農

小人有老親下士無寸田惻然食望農切於農望
天北風報秋信病軀先受寒夜雲去颯颯炯見星
月漑亦知皇天意無復亢暎患三年厭糠粃果腹
恒艱難三日無雨雲廻首百不安時時去人境野
望聊自寬田父有好語如酒渴夢泉夢泉未飲泉
到耳涼濺濺

秋懷三首

萬戶閉秋月家家有魂夢虛無生笑啼衆幻作一

三
閨我如寒巖僧身倚枯木凍潛處諸妄界抱靜不
敢動學道轉迷悶求悟亦冥洞孤心自迴薄千古
入收縱皎月照深井徹底偶一中無波久生明有
擾坐鑿空西風爲誰憾無乃愁者共病葉辭茂林
不待風播弄

抒憂強援道入理寧及情西風肅天地中年感死
生墳頭植桐竹四年今長成遂云去者安又爲來
者營何曾一芟剪長眠攪秋聲應惜離鄉客歲荒
猶筆畔時時海雲黑歸夢逐流螢宵來藥煙閣脩

竹幾葉零饑歲睡不酣鄰兒啼輒驚減食半其腹
人我得少寧卿今死無病何有飢腸鳴卿倘見鄰
人我又勞參苓

日軌經天短江水亘地長此理吾不勝感逝行自
傷秋風漸逾厲病軀難自強宋玉本善悲與人異
肝腸及茲如靈鐘自然寒警霜天地夜嚴寂崩石
淒金商浩浩筆下賦氣颯風雲涼當時一作者流
風溢荆湘我昔走楚澤一哭巫山陽秋色滿千里
岷見高臺荒

客居所移故園石竹秋花十六韻

西風吹石竹脉脉作秋花土氣南來煖鄉愁觸處
加細難勝重露光是疊輕紗香澀知何靳天涼隱
似嗟靳因時已晚嗟竝我離家初破含雞舌相當
錯犬牙碎分籬菊月穠借石榴霞葉蟬扶還舞莖
纖故自斜草寒連蟋蟀人遠比蒹葭吟咏醒眸狎
殷紅老樹奢已衰徒好色能淡卽無邪薄袖憐空
谷幽蘭報短芽踵來慰負羸爾雅注蝓羸蝓牛也是能負室而行易殼
而居故又耳不聞私謨左女小心黠麻姑雙髻丫
謂之負羸

飽看容一摘漫戴喜無華勸且安遲莫芳情未有涯

夕望

樹杪寫金碧遠邨收夕陽天青爲嶽色沙白亦湖光他日蘭臺意孤風夢澤涼東南皆水國揚越一茫茫

繫龍洲

在蒼梧江中江岸有分界樹

神龍走水底水面回其頭張呀吸西江江水皆倒流帝曰東西疆此物作鴻溝天吳鑄鐵索索之永

使畱頰頤作山石髯鬣爲松楸隆然厥額隼作殿
作岑樓樓標銳槎枒畧知厥角脩口則爲窟巖許
之鳴深幽牂牯萬里源可以滋渴喉老曇大好奇
跨坐奠上游至今數鐵柱出沒杙河洲三江動地
來聲塞西南陬龍謂得借水可脫天所囚吼呌集
厥類百處起潭湫併力嚙巨鎖湧水爲山邱驚絕
蒼梧魂起爲坤軸憂反覆但故處祇與波沈浮西
人數千里避水忙不休安知佛定力垂首冥兩眸
方今艦碧海苦戰鯤鵬愁何當迓龍去漲激平東

甌一夜下鬼神搗巢極橫搜封功西河伯洗兵南
海秋何以甘此虜不爲貝宮羞年年奮瘴潦使不
辨馬牛比來兩載旱不見三農耰汝盍徑上訴駟
雲淋萬疇圓蓋閔點雨方臣勞寸籌莫阻脣齒邦
不通秦晉舟怕無艣攪水汝得安眠不岸有分界
樹擎攫森纏樛千尋老身手對立羈螭虬汝雄彼
爲雌水陸離汝儔往往風雨夜兩兩聲勢侔鏜鏜
寺鐘濶浩浩灘水道洶洶蒼梧城知此吟相求元
氣濕四郊漫漶不可收

秋半咏懷

身是青蓮不受泥，不辭煩惱出污池。何人毀譽關
龍叔，擴我雲煙望虎兒。行坐偶然寧有待，文章千
古本無欺。蘋汀花里秋將晚，南臥西風夢故遲。

解熱

秋陽暴大地，十丈鑽餘力。乾泥垢龜背，硃硃如履

石

老子硃硃如石

隔街望塵頭，晻昧瘴煙赤。拂塵倦撲蠅

灑屋一展席，因思西蠻路。秋盛毒亦劇，萬山若排
燄。蛇霧痛日色，囋囋寒祆雲。淒淒散寒疫，白晝出

魑魅昏沙喫狐蜮巫咒暗山月吹角搜魂魄曰叫
生替死天理豈枉得病慙鬼滿車死乃神亂宅昔
歸別朋友今去失窰窰我亦病水土俗擾心境寂
無妄知性命有恃豈正直孤寄五千里趨避課順
逆生還十餘年夢寐轉乾惕佛山雖秋熱未至灼
肝膈思彼以處此生今續死昔取涼俯石井且當
千頃碧

題窓

幽人似晚菊遲暮守寒芳混俗同衣食冥心宅吉

祥

對月

八月九日

可怪今秋月孤光畏自看
鄰人生後哭艸露骨邊
寒近野聞禾氣高天惜雨
漑重雲須幾夜三五好
團團

燈二十句

夢後三年淚君知異縣情
露叢窓外白金穗病邊
明憶我花村夜吟詩竹屋
清竹移風幔瞬花上紙
屏橫忽悟蘭膏盡真同石
火驚曉煤女拂像暮帳

婢司藥新故今昔恨短長羈旅更鬢絲看小杜瘦
影逼長卿到處愁風雨幽輝入死生幾時將喜事
相報入青睛

祈雨

東南甚旱後見雨且驚魂驟過不終日恐孤再造
恩何況八月急其勢何可言飛騎趨懸崖一勒分
寸間相視各脉脉幾日人鬼關廣州兩年來祈雨
官勞煩憶從去年秋百官隨制軍西郊曠蕭蕭風
吹九龍旛片雲驅急雨悍日隨之奔雨去日正赤

氣蒸地上雲七月牂牯流鹹甚不可吞今年春夏
交祈雨天輒昏霖霖復蕩蕩喜色滿郊原郊原餓
死骨亦知天地仁雖爲餒魂魄猶有飽子孫況從
海陽縣東迎雨仙還謂當擊壤世長作含哺民何
意民與穀待命並今晨民已厭爲鬼仙爾豈不神
人言雨仙神不止雨澤勻且當駕雲車盡洗東海
塵東南萬餘里一夜青芸芸

月

三年有月夜太肯放光明地白涼如洗形銷久不

驚鳥爭殘葉落螢避暗牆行三日東風起來宵聽

雨聲

祈雨而三日東風作俗云一日東風三日雨

望雨二十句

洶湧攪風塵塵中洶湧人人皆喜時雨天定格

皇仁災有流行處

恩如浩蕩春西郊密雲起南極庶功勻讀易知爻

變占田貴俗醇三年食似玉八月落如銀

粵中農謠七月

夜落金八月夜落銀

國計關循吏家懷切老親憂何分鉅

細事本爲生民今夜星蒙暈來朝水應申

農父之占兆

秋風消肺病安飽待嘗新

和溫譽斯對月見懷之作廿六韻

月是尋常有千家閉戶眠西風下霜露南國縱江
天紀別青楓浦低垂綠酒邊乍涼花影薄耐坐慢
陰偏鶴警淒圓吭琴寒澀懦絃離情難一醉秋色
好三年桂樹應埃瑱銀河幾滴涓黃茅比屋底暗
淚寸鐙前不怨交疎濶因時策萬全家聲在忠孝
鄉里賴安便賤士增遙矚方隅解倒懸事如幽賞
內書必故人先

溫氏連年救荒于其鄉鄉人甚賴之

憶昔登虛閣中

宵敞密筵杯深團凍玉林炯潑明泉池拭菱波鏡
堦漂菊柵煙此歡生有數既往境都遷寄跡鷹垂
翅歸心馬着鞭病過三五夜愁託短長篇蟲語侵
墀窄蟾光壓井圓久無十日雨暫得一囊錢有賦
惟哀逝防嘲不艸元夢魂猶竹塢音信問花船今
夕秋官里新詩蜀錦箋題封故鄉鯉吟和晚風蟬
畱滯才思鬱艱難獨行專持茲報朋舊前路慎高
堅

和兄下烏蠻灘二首

死生駒隙忘艱難轉軌波昏白日寒

轉軌石最險處

卅里

迴頭望江水高懸銀旂照青山

四月水漲伏波祠浮江餘石散鳬鷺知君談笑下

灘日是我風波前夢時

夏時水漲水道既濶無復有灘

秋雨歎五首

雲中颼颼鳴落木水氣作雲低壓屋三年不見十日雨一雨偏當九秋熟蒼天作意何太酷不令人喜令人哭水田要使禾生耳艸食真無覓充腹君不見壟頭白骨夜有聲路傍白骨行無肉

嗷嗷南鴈行路難江湖水多生濶寒幾載南來稻
梁少來復何求犯矰繳遠辭蘆塞一行飛得與桑
弓幾人飽渡海十郡良家兒急欲寄書南鴈歸上
言軍中身足樂下恐厨下妻啼飢何爲汝鴈不識
苦辛苦人閒叫風雨

廣州受旱無旱色旱甚水田猶一碧富兒不信山
縣田乃有炎炎千里赤人曷爲乎至斯極嗟爾無
憂憂轉劇有田恐汝不得食粵山雨仙香火熄昔
何烜赫今何寂神仙有心民不識昔時無雨天公

意今雨元非雨仙力

我今三年羈不歸不歸亦知鄰舍非屋前修竹咽
垂葉黑雨青燈魂影啼明日招魂作生日江路雲
深恐迷失荒年干飯哭兩女在日清齋禮諸佛冥
漠長眠謝饑饉死生有事均蕭瑟四年死別三年
饑西風乍寒燒鬼衣紙錢濕灰吹不飛時九月廿六日
去年九月秋官里日暍飯鹹無井水今年西風能
揭廬溢井吹波生細魚屋低瓦重牆卸土衣垢厨
空床撫鼠人生須記丁未秋九月天償八月雨

硯

樵夫託茲硯茲硯託樵夫仁者惟君壽智乎勞我
軀立方持耿介受玷在廉隅礪礪慙農父荒年授
一區

四更

柳梢缺月一痕明雨後星前欲四更天色蒼蒼風
瑟瑟誰家有淚凍無聲

昨日已去去何所來日未來來莫畱日日四更無
限恨四更天能生許愁

夜雨

夜雨新寒雲亘海海雲深邃一燈明苦吟日月青
衫得殘夢人天白髮生城上濕烏棲病羽山幽叢
桂倦秋聲物情整頓過遲暮塞戶儲糧愧未成

五龍潭山水圖歌

潭水溢流爲澗澗中臥石如巨椽五觚而五色

波動若鱗甲之而以此得名在羅浮二山分界之處

白虹裊天三萬尺中劃層城斷叢碧罡風挾入滄
海聲古月凝爲冰柱色聲色滿溢四百峰乃赴夾
壁孤潭中峰影深青水深黑水府巉巖陡天壁卽

愁吁吸集風霆下極虛無嚴窟宅幽光潛藏出靈
跡椽仆虹眠五稜石稜分五文波作鱗不見首尾
惟見身槎牙淺壑未出骨轉側尺波如有神此境
昔游同故人故人臨終求寫真赤明霜雪鏤須髮
化城風雨濛衣巾梁公普臨終囑子曰五龍潭瀑
生平最賞求君寫小照於此
懷舊感時復盡此適遭十日雨不止非時自笑腕
有靈時九月
末乃雨前月尚憂潭失水龍乎石乎幻化長
短而儻忽或爲牛首鬼眼出沒而螭屈北作金臺
千里駒南變樵夫五色筆筆如水中龍其鉅如石

青崖集卷之七
五
柱天門墨雲千疊深此柱能爲蜿蜒舞勿訝能爲
蜿蜒舞本爲蒼生起霖雨不然畫壁何所補

夜將半南望書所見

乍冷初冬密雲黑忽驚萬丈曙霞紅遠知何處中
宵火低拜前頭北海風五嶺三年千里內多時十
室九家空已憐淚眼啼飢盡更使無歸作轉蓬

對菊

雲露清深袷袂涼吟肩孤鶴對孤芳秋須好月矜
幽素晚綴疎花故靜香冷蝶宿枝如問病徵君斷

酒恐嫌狂三年舉室嚴齋禁乞

去聲

我畱侯辟穀方

佛山秋杪絕句六首

萬瓦低迷暗月明古牆燈碧乍寒生不知海外風
雲色已入街西木葉聲

紅紫雲林山翠屏揚雄秋室臥撻局平生柳樹多
才思忍對盆花病葉青

老樹西風送淺寒風廊雲篆蘚痕漣鶴樵山勢營

邱樹

王蒙山如屏雲
李成樹多盤屈

畫本天真面壁看

竹戛秋聲花覆廬藥烟茶夢闕窓虛移家未忘梧

桐月時落天牖照讀書

阿翹挑書重壓肩縹題猶黯藥壚煙日日翻書逢

飲子離鄉新淚續陳編

藥烟閣之書手不觸將四年矣昨日從姪挑一擔來

中多婦病數年開所服飲子

小像清疎慈竹林六銖衣薄警寒深詩箋畫絹蒼

蒼色香縷燈煤夜夜心

亡婦禪病圖小影

因友人知汪湖壻自柳州還

云見湖壻汪永年兩湖塵裏僦居眠龍城符咒貧

驅鬼羊石秋壇病學仙乞食汝能言靖節論詩渠

要屈盈川空名實腹何先後莫計虛船觸我船

小庭亦有月賦樂天語一百六十字

小庭亦有月明水一方塘黯淡海榴影依稀菱荇
香近人寒蟋蟀發興遠滄浪薜蘿層雲碧霜絲細
艸光卽空居士室還度美人牆咫尺分良夜玲瓏
罽綠楊誰家開翠幙平地寫去聲銀潢得失歸無有
盈虛莫較量是來皆過去何處占中央況此鳩巢
借頻驚兔窟忙秋暉三樓指宵夢九迴腸獨樹標
江汛繁花繞水鄉石泉沸蚯蚓亭露響簷簷多取

真消受無爭濫獨當中邊透肝肺冰雪養清狂李

白如相索分貽一屋梁

自佛山東下三十里至獨樹汛對江卽吾鄉也

左處士石崖

雄彈琴詩

卅年和氣養清苦曼衍天倪爲此聲師事西山求
立志仙還東海得移情初非傷別魂須黯半不知
音涕自橫不見却愁聞却怨起行江月繞襟明

復寄石崖

饑能鸞嘯病鳬伸歸似鴻飛出大信萬戶冷眠琴
獨語東城風雨杏懷人

衆香九十老維摩
花影船頭落釣簑
煩君寫作江門句
更寫癡兒似志和

石崖工寫真

夜色

海上週遭夜色團
南來水月抱天寬
他宵一點孤舟影
定膠空光萬丈寒
病輟茶經疏陸羽
食同蓴俗慰張翰
明春十口還鄉艇
柳浪桃波卷幙看

曉霧

南風生曉霧
萬瓦切氤氲
勻較炊烟盛
低從海氣分
不收常化雨
羞整卽爲雲
凝着非無質
叢篁接

葉聞

冬日霧重不收卽化爲細雨或連日得北風則收而天遂寒南方之氣也

街艸

門徑積秋艸經年滋不圖照人簾影碧比我屋山
鳥卽目思千里斜陽冷一隅西堂故池水春夢遠
模糊

昨夢

秋夢莽寒湖湖峰祗大烏天圍千古濶日盪寸心
孤木脫低還上鴻飢高重呼西風客幃雨歸思結
鄉鱸

簷隙

遲曦得先暮簷隙影無多轉使天窺井安知日過
河陰雲呼午漿驟雨入層波三載看書字人前謝
擢訛

小役

賃春吾本業小役憫鄰人爲汝分安飽何曾任水
薪幾家竈下養昨日膝前身爾長儒門內他時識
爾親

寄致師

鼎湖樹如海層殿如倚屏天風蓄谿舂排撥波濤
青山靜忽森肅萬綠如合萍是時最高閣與師俯
視聽梵鐘下窪洞諸天兀崢嶸山月凍止水溟渤
浩無聲孤鶴警淒緊多露濶清冷竟夕忘一語百
年無賸情天曙石橋別一笑山半亭我與出山水
人閒難少停時時于人閒各爲嗚咽嗚前年師寄
書云亦辭山局孤雲遂去住大衆多煩傖老僧肯
說法如雨懸河傾奈何所聚石礲礲頑不靈內無
點滴入外負江河盈

山谷真跡云昨夜大雨如懸
河水深沒橐駝惟有庭前搗

帛石一點
入不得

所以得靜室寄君邨外垞此村若香國
魂夢漬芳馨惜哉病維摩不在毘耶城何處作道
場大饒益衆生予何抵茲譽實以口腹營乞食尊
儒風遠公取淵明斯時花村屋新竹已占庭歸來
數晨夕素心方外盟夜話潮入籬起踏花影行萬
丈見水月月中修竹橫

咏艸二百字

淵明乞食還深巷夕陽寒艸色年年有門前黯黯
殘路迂重曲徑心迥到秋山昨夜鳴蟲急虛窓響

雨彈地萌灰見濕風病葉同漚已破行芟薜先零
感護蘭披絲霜皎皎潑水月漫漫尋夢詩情澀懷
人歲序闌北風低地白南浦映楓丹野步思鄉曲
幽陰帶竹關模糊碧雲合璀璨落花斑習習動青
藹芄芃交軟瀾十分春意滿終日道心閑一自遺
香室從渠過藥欄蓬蒿僻僦舍苜蓿曉登盤屈子
志空潔慈卿家已殫堇葵嘲命苦衿袂照儒酸萍
跡知無定茅心詎肯安田蕪歸或易蹊塞介應難
微物增多慮離居發浩歎

志喜

十萬樓船碧海邊
海風旗影奏歌旋

王師一熟啗峒麥
旅穀三穰畏壘年
今日瀕陬要
龔遂敢窺溟渤笑
苻堅

聖人天上垂衣坐
宇宙清平九點煙

五百四峯堂詩鈔

卷十七終